

IM NOVAE ACERBIUS MUNITIONE  
GERMANICAE  
TUMULAE STREITA  
CVRVLLA KARIBUS Quidam  
AD  
GYMNASII · ILLVSTRIS  
SERENISSIMIS PRINCIPIBVS AC DOMINIS  
DOMINONI  
E R N E S T O  
ITEMQUE  
DOMINOTILIS  
ERNESTO FRIDERICO

PRINCIPE HEREDITARIO  
DVCIBVS SAXONIAE, IVLIAE, CLIVIAE, MONTIVM, AN-  
GARIAE ET WESTPHALIAE, LANDGRAVIIS THVRIN-  
GIAE, MARCHIONIBVS MISNIAE, PRINCIPALI DIGNI-  
TATE COMITIBVS HENNEBERGIAE, COMITIBVS MAR-  
CAE ET RAVENSBERGAE, DYNASTIS RAVENSTEI-  
NIL, RELIQVA,  
HILDBVRGHVSAE CONDITI  
SOLENNEM DEDICATIONEM  
INVITATIO.

Hist. Saxon.

H.

226,50

9

St. Pauli Bruegel - Hof Frankfurt

IAM NOVA LVCE SECVLVM NOSTRVM  
CORVSCAT  
TEMPORA SQVALIDA BELLORVMQVE STREPITV  
CAEDIBVS RAPINIS INCENDIIS HORRIDA  
SVPERAVIMVS  
PACIS TRANQVILLITATISQVE SPES PVBLICA  
OMNIBVS AFFVLGET  
OMNES RECREAT ANIMOSQVE AD PVLCHRA QVAEVIS  
ATQVE PRAECLARA RESVMERE IVBET  
RECREAT LITTERARVM BONARVMQVE ARTIVM  
DOCTORES CVLTORESQVE  
ET FELICIORA SAPIENTIAE AC VIRTVTIS INCREMENTA  
PROMITTIT  
SPEMQVE LITTERATI ORBIS LAETITIAMQVE  
AVGET ET EXCITAT  
VIRTVTIS ET LITTERARVM STATOR SVMMVS  
IDEMQVE EARVM PROMOTOR MVNIFICENTISSIMVS  
SERENISSIMVS PRINCEPS AC DOMINVS  
DOMINVS  
**ERNESTVS**  
SAXONIAE IVLIACI CLIVIAE MONTIVM ANGA-  
RIAET WESTPHALIAE DVX  
LANDGRAVIS THVRINGIAE MARCHIO MISNIAE  
PRINCEPS COMES HENNEBERGIAE COMES MARCHIAE  
ET RAVENSBERGAE DYNASTA RAVENSTEINII  
RELIQVA  
DOMINVS NOSTER LONGE CLEMEN-  
TISSIMVS

2VI



QVI  
VNA CVM  
SERENISSIMO PRINCIPE HEREDE  
DOMINO  
**ERNESTO FRIDERICO**  
DVCE SAXONIAE IVLIACI CLIVIAE MONTIVM  
ANGARIAE ET VVESTPHALIAE  
LANDGRAVIO THVRINGIAE MARCHIONE MISNIAE  
PRINCIPALI DIGNITATE COMITE HENNEBERGIAE  
COMITE MARCAE ET RAVENSBERGAE  
DYNASTA RAVENSTEINII  
CETERA  
EQUESTRI SACRAE CAESAREAE MAIESTATIS  
ET PRAEPOTENTVM CONFOEDERATI BELGII ORDINVM  
DVCE  
**DOMINO NOSTRO CLEMEMTISSIMO**  
NOVO BONAE MENTIS SAPIENTIAE  
AC VIRTVTIS DOMICILIO CONSTITVTO  
**IVVENIBVS OMNIBVS ET ADOLESCENTIBVS INGENVIS**  
**QVOD MAXIMVM PRETIOSISSIMVM QVE**  
IN OMNI VITA  
CENSERI DEBET  
**MANV LIBERALI OFFERT**  
**STABILITATEM ET INCREMENTA**  
LITTERIS BONISQVE ARTIBVS  
POLL'CETVR  
**NOMEN SIMVL SVVM**  
**TAM EGREGIO VERAE VIRTVTIS DOCVMENTO**  
**AETERNITATI CONSECRANS**

ET

ET POSTERIS QVOD IMITENTVR RELINQVENS.  
HOC ERGO LITTERARVM ET VIRTVTIS SACRARIVM  
QVOD FELIX FAUSTVMQUE ESSE IVBEAT  
SUPREMVM NUMEN

CVM  
IVSSV ET AVCTORITATE  
**SERENISSIMORVM PRINCIPVM**  
ANTEA MEMORATORVM  
NONIS APRILIS HENFEBRIGAE  
SOLENNITATI CONSECRANDUM SIT  
HOMNES AC SINGULOSI  
LITTERARVM FAUTORES AC CVLTORES  
QVIVE SAPIENTIAE AC VIRTUTI  
PRETIVM VLLVM STATUVNT  
UT PRAESENTES ADSINT  
ET DICENDA BENEVOLE AVDIANT  
EA QVA DECET HUMANITATE AC OBSERVANTIA  
ROGAT ATQVE INVITAT

**JOANNES FRANCISCVS BVDDEVS**  
THEOLOGIAE D. EIVSDEMQVE IN ACADEMIA IENENSI  
PROFESSOR PUBLICVS  
ORDINARIUS.

P. P. HILDBVRGHVSAE FERIA PRIMA PASCHATOS  
A. M. DCC XIV,

TE



SERENISSIMI PRINCIPES,  
DOMINI CLEMENTISSIMI,  
AUDITORES OMNIVM ORDINVM  
HONORATISSIMI,



Vm varia sint & rei-  
publicae & eccl-  
esiae ornamenta pa-  
riter ac praesidia,  
quibus vtraque &  
conseruatur & bo-  
nis cumulatur plu-  
A rimis

46 (2) 56

rimis, litterarum tamen inter haec  
eum tenent locum studia, ut sine  
hifice, quod ad veram solidamque  
mortalium felicitatem faciat, vix  
quidquam recte procedere aut sibi  
constare videatur. Siue enim legi-  
bus rite constituenda sit respublica,  
atque prudenter administranda, siue  
armis contra hostium insultus tu-  
tanda, siue denique, quae hominum  
promouendae saluti inferuant, veri  
falsique, in rebus, in quibus sine  
summo periculo errare non licet,  
obseruato discrimine, rite diiudican-  
da, fine litterarum humanarum di-  
uinarumque luce, in his omnibus  
nihil suscipitur recte, nihil recte per-  
agitur. Ponite vobis ante oculos  
omnes vitae humanae actus,  
omnem publicorum negotiorum  
varietatem, omnes plurimarum dif-  
ficul-

simi

A

36 (3) 56

ficultatum, quae vbique occurunt,  
& ad portum recto itinere tenden-  
tibus obstant, ambages; omnes ad-  
ministranda reipublicae, homi-  
numque salutis promouendae ratio-  
nes ac vias percurrite, nullam omni-  
no reperietis, quae non ita littera-  
rum auxilio indigeat, vt iis si quis  
destituatur, in densissimis versetur  
tenebris, incertus, quid facere,  
quidue omittere debeat.

Atque id cum secum expende-  
rent summi quique sapientissimi que  
principes, hoc sibi datum cumpri-  
mis crediderunt, vt litterarum Itu-  
dia diligenter excitarent, alerent,  
fouerent, suae non minus gloriae,  
hac demum ratione ad secu-  
la ventura serosque posteros pro-  
pagandae, quam ciuium saluti &  
reipublicae commodis consulen-

-019                    A 2                    tes.

tes. Gentium annales & historico-  
rum monumenta docent, inter re-  
ges principesque, quos pro magnis  
& felicibus sera posteritas reputat,  
neminem fuisse, qui non litteris bo-  
nisque artibus iustum statuendo  
preium, hocce simul beneficio,  
omnium, quae cogitari possunt,  
maximo, ciuium suorum sibi ob-  
strinxit animos. Possemque id Ale-  
xandri, Iulii Caesaris, Augusti, Ca-  
roli magni, aliorumque demonstra-  
re exemplis, nisi superuacuum foret,  
in re non dubia argumentis vti non  
necessariis. Nec tam sterilis bonae  
mentis virtutumque est nostra ae-  
tas, vt non hodie quoque extent  
summi principes, qui veterum glo-  
riae nihil hac quoque in re conce-  
dentes, omnes animi ingeniique eo  
conferunt vires, vt conseruatis

pro-

36 (5) 58

promotisque egregie litterarum stu-  
diis , in animis eorum , in quos tan-  
ti beneficij fructus redundat , tro-  
paea ob pulsam fugatamque barba-  
riem , sibi erigant , quo quis aere  
perenniora . Quid vero ceteros  
commemorem , cum ante oculos  
nobis versentur , non sine intima-  
mentis veneratione compellandi ,  
Serenissimi Principes ac Domini ,  
DN. ERNESTVS , itemque DN. ER-  
NESTVS FRIDERICVS , PRINCEPS  
HEREDITARIUS , DVCES SAXONIAE , IV-  
LIAE , CLIVIAE , MONTIVM , ANGARIAE ET  
VVESTPHALIAE , LANDGRAVII THVRIN-  
GIAE , MARCHIONES MISNIAE , PRINCIPES  
COMITES HENNEBERGIAE , COMITES  
MARCHIAE AC RAVENSBERGAE , DY-  
NASTAE RAVENSTEINII &c. Domini  
nostris longe clementissimi , qui no-  
uum bonae mentis domicilium eri-

A 3                  gen-

gendo, ex illorum se numero esse, satis demonstrant, quos ob conservata amplificataque litterarum studia, nulla filebit aetas.

Istud vero dum mecum cogito, simulque, quod hodierno die nobis agendum est, animo voluo, maximopere mirari subit, esse hodie homines, qui temporum nostrorum infelicitatem accusant, de neglectis atque prostratis litterarum studiis, tristes atque funestas querelas fundentes, & imminentem barbariem, bonarumque litterarum interitum, lugubri carmine praedicentes. Cumque interdum parum absit, quin & alii, horum vocibus se abripi patientur, dedecoris atque infamiae notam seculo nostro inusturi, operae premium esse puto, omni partium studio procul facessere iusso,

-1793

&amp; A

hanc-

36 (7) se

hancce causam in tam splendido  
summorum virorum confessu disce-  
ptare. Nec a nostro instituto, aut  
diei huius solemnitate hoc alienum,  
quo id agitur , vt summorum prin-  
cipum erga litteras faudrem & mu-  
nificentiam celebremus, qua, si quid  
forte detrimenti litterae huc vsque  
passae sint, abunde pensabitur.

Prodeant itaque primum , cau-  
samque perorent , qui praeterita  
laudantes , praesentia fastidientes,  
deque felici litterarum successu de-  
sperantes , tristia quaevis atque fu-  
nesta nobis vaticinantur. Non  
enim sine causis grauisfimis in hanc  
se ingressos sententiam putant, quae  
nunquam illis desunt, qui improba-  
re , quod sibi displicet, in animum  
inducunt suum. Perlustrate, in-  
quiunt, non tam orbem litteratum  
vni-

-nsg

yniuersum, quam saltem Germaniam, & oculos mentis circumferente curiosius: vbi sunt hodie isti heroes, Melanchthones, Camerarii, Sturmii, Cafelii, & reliqui, quorum ob humaniorum, quas vocant, litterarum scientiam, & latini sermonis cultum atque nitorem, iam pridem nomina obliuioni fama eripuit, & ad aethera tulit. Eiusmodi viris, in quibus Roma ipsa reuiuiscere videbatur, patria olim abundabat: quorum qui sint similes, vel nulli vel pauci admodum hinc inde conspicuntur. Documento esse ipsa, quae prodeant, doctrinae monumenta, squalore sermonis haud raro horrida, parumque aut cultus aut nitoris praefarentia: cum olim, primis saltem post restauratas cum sacris, litteras, annis, scriptorum elegan-

gantia , si sermonem latinum spe-  
ctes , ipsam haud dubio victoriae  
euentu , prouocare potuerit Italiam .  
**Quid** vero mirum , inquiunt , tan-  
tam vbiique fere conspicivastitatem ,  
tam paucos istarum litterarum esse  
cultores , cum ipsae illae litterae ,  
quae amoenissimum illud ab hu-  
manitate nomen trahunt , vilipen-  
dantur a plerisque , & nullo plane  
habeantur loco . **Quod** si non pror-  
fus inique de illis nonnulli sentire  
videri velint , agnoscere tandem , il-  
los , qui in scholarum umbra degunt ,  
adolescentum animos ad eruditio-  
nem & sapientiam formaturi , ali-  
quid inde aut ornamenti , aut pae-  
sidiū capere , at in vitae luce consti-  
tutis , rebusque magni momenti ad-  
ministrandis admotis , adeo eas nec  
vtiles , nec necessarias esse , vt potius

B sint

36 ( 10 ) 36

sint dedecori. Eamque ob causam  
euenire, quae & praecipua tantae  
calamitatis ratio sit, vt ipsis princi-  
pibus rerumque dominis istae litte-  
rae velut fordeant, vt non tantum  
iis imbuere animum, a summo isto,  
in quo Deus eos collocauit, rerum  
humanarum fastigio, longissime  
abesse credant, sed de iis etiam pro-  
mouendis conseruandisque parum  
sint solliciti, emolumentum quippe,  
quod in ecclesiam inde ac rem-  
publicam redundat, minus perspe-  
ctum habentes. His sublimiorum  
disciplinarum doctores adiungunt,  
haud infimam ingruentis, quam vo-  
cant, barbariei culpam in eos con-  
ferentes, quod suis ita intenti sint,  
vt, quae ad decus, ad ornamentum,  
ad nitorem faciant, parum curent,  
immo negligant, contemnant, & in  
mini-

36 (ii) 55

minimis ponant. Immo non deesse ex his, inquiunt, qui persuasum iuuenibus cupiant, ad solidam & exquisitam diuinorum humanarumque rerum scientiam, quam eruditionem vocamus, viam patere omnibus, iis etiam, qui in graecis latinisque euoluendis scriptoribus, aut sermone latino ad nitorem ac elegantiam componendo, nec temporis nec operae multum collocauerint.

Atque haec quidem isti, elegantiorum litterarum causam contra nostri, quam putant, temporis iniuitatem agentes, consilio, quod de plerisque credo, non malo, &, si rem in se spectes, minime vituperando. Nec is ego sum, auditores, qui reiiciendas prorsus aut damnandas istas eruditorum hominum querelas censem: audiendas

B 2 po-

potius, ponderandasque accurate,  
arbitror, vt, quid veri, quid falsi sub-  
fit, diiudicetur, ac dedecoris suspi-  
cionem a nostra aetate ita repella-  
mus, ne reuera, quod dedecori no-  
bis esse poterat, admittamus. Prae-  
terea ita existimo, & ita animum  
induco meum, quantumuis eximia  
nostrī temporis sit felicitas, nos neu-  
tiquam extra omne periculum tan-  
ta bona, quae vnicē Numinis be-  
nignitati imputamus, amittendi, es-  
se constitutos. Vt enim rerum,  
omnium, ita & litterarum suas esse  
vicisitudines, easque nunc efflo-  
rescere laetius, & incrementa ca-  
pere, mox decrescere iterum, &  
obscurari, aut penitus tandem ex-  
tingui, nec vni genti ita adfixas esse,  
vt non mutata sede ad aliam trans-  
uolent, doctis hominibus iam pri-  
dem

MS (B) 58

dem obseruatum est. Idque exempla gentium variarum docent. Aegyptii, Chaldae, aliique Asiae populi, maxime vero Graeci, ingenii & litterarum laude longe erant florentissimi. Quicquid artium, quicquid scientiarum, quicquid elegantiae & nitoris cogitari poterat, apud eos deprehendere licebat. At, vbi tantus olim lucis splendor, vbi tanta eruditionis & sapientiae fama, ibi hodie mera caligo, tenebrae, ignorantia, squalor, illuuies, barbaries. Foeda, horrida, inculta omnia, ut pristinae culturae, artis, scientiae, ingenii, nec vestigium ullum superficit; iis contra gentibus, quibus atra nox & densa incumbebat caligo, quas inter Germani vel primum obtinent locum, iam luce clarissima, culturaeque & doctrinae omnis

36 (14) 58

opibus praestantissimis , sese effe-  
rentibus. Quod vero aliis contigit,  
id nobis quoque contingere posse,  
ut existimemus, par est. Et quidni  
posset? cum nostri nihilo meliores  
mores sint , istarum gentium mori-  
bus , quae iusto Numinis iudicio  
tantorum bonorum exciderunt pos-  
sessione. Quae enim ad instruen-  
dam vitam , veritatemque, qua sa-  
lus hominum continetur , eruen-  
dam , explicandam , & propagan-  
dam , ad pietatis porro sanctitatis-  
que studium promouendum , re-  
gnumque adeo diuinum in nobis  
dilatandum & amplificandum com-  
parata vnice esse debebant, littera-  
rum studia , iis proh dolor ! pleros-  
que ad nominis quaerendam glo-  
riam , ad ambitionem , ad cupidita-  
tes quasuis excitandas , alendas ,  
fouen-

46 (15) 56

fouendas , ad serendas lites, discor-  
diasque augendas, ad veritatem sub-  
inde opprimendam aut obscuran-  
dam, & alia vitia, his fœdiora ad-  
huc , turpioraque, abusos , ecquis  
est , qui ignorat ? **Quodnam maius**  
**cogitari scelus potest**, quam in ma-  
ximo illo, quod in nos Deus contu-  
lit, beneficio, ea quaerere , quibus  
quam vehementissime offendamus,  
irritemusque benignissimum Nu-  
men ? Quare, si Deus, turpisimum  
ingrati animi crimen puniturus, sub-  
traheret iterum , quae tam liberali-  
ter concessit, & pro ista litterarum  
luce, tenebras iterum densissimas  
immitteret, nihil faceret , quam  
quod facere iure optimo posset,  
quodue nos pridem promeritos in-  
genue nos fateri oportet. Nec est  
profecto, vt tam procul eiusmodi  
tem-

tempestatem abesse credamus, quae  
 cum diuinarum, humanarum quo-  
 que litterarum lucem non tam ob-  
 scurare, quam penitus extinguere  
 posfit. Horret animus, & intimo  
 dolore, nescio quae funesta ecclae-  
 siae nostrae praesagiens, perfundi-  
 tur, quoties pontificii regni, in quo  
 dilatando & amplificando Romani  
 antistites, & qui horum addicti  
 sunt partibus, nec labori nec sumptu-  
 bus parcunt, incrementa cogito.  
 Haec enim si Deus non sufflamina-  
 uerit (folius enim Dei, non huma-  
 narum virium hoc opus est) immi-  
 nentemque adeo caliginem disipa-  
 uerit, actum est de nobis, & cum  
 religione, litteris bonis, artibusque  
 egregiis paratum est exilium. Iacti-  
 tent namque Romanenses sua in lit-  
 teras merita, seque iis, quantum  
 velint,

.B.3.1

velint, efferant, praedicent se litterarum statotes & vindices, &, quod illis solenne est, alto nos supercilios contemnunt, prudentibus tamen rerum existimatoribus, virisque utriusque ecclesiae indolem edo-  
etis, nunquam persuadebunt, litterarum studiis cum tyrannide & superstitione bene conuenire. Refert erroris & superstitionis, tegi, abscondi, occultari: hinc lucem fugit, tenebras amat, latebras quaerit; adeoque & Romana ecclesia litterarum studia non tam fouet, quam tolerat, sed eo usque tolerat, quo usque impedire potest, ne diuinæ veritati lux inde affundatur, aut superstitionis per ea conturbetur ac labefactetur regnum.

Quem vero haec in finem? Ut ostenderem, non ita nos securos  
C esse

esse debere, ac si nullum omnino  
litteris, bonisque artibus, immineret  
periculum, nec amittere tanta bo-  
na, quae tam benigne Deus conces-  
sit, iterum possemus. Iam, quod  
ad illos attinet, qui nimiū queru-  
li, & in nostram aetatem paulo ini-  
quiores nobis videntur, iuuabit, ea,  
quae antea ex illorum mente com-  
memorauimus, aequa ponderare  
lance. Enim vero, si nostra rite  
aestimemus tempora, litterarum  
eam facile deprehendemus faciem,  
vt, si vel maxime maioribus nostris  
in quibusdam concedamus, in-  
plerisque iis nos anteponendi, iu-  
stissimas habere causas videamur.  
Eundo per praecipua scientiarum,  
quibus eruditionis circulus absolu-  
tur, genera, demonstrare possem,  
doctorum virorum labore & indu-  
stria

36 (19) 58

stria ad istud fastigium deducta ple-  
raque, simulque methodo tam con-  
cinna, tamque perspicue proposita,  
ut iuuenibus hodie eo peruenire fa-  
cile sit, quorsum olim senibus vix  
adspirare licuit. Quodsi quis du-  
bitet hac de re, aut refragari audeat,  
eum vel illa ipsa ars, quae mentis  
cogitata ad veritatem eruendam &  
assequendam rite disponere ac in-  
struere docet, conticescere iubebit.  
Nondum viginti aut triginta elapsi  
sunt anni, cum scientia illa longe  
nobilissima, qua initiari oportet  
omnes, qui ad eruditionis laudem  
adspirant, barbararum vocum ter-  
riculamentis, & nugarum, ineptia-  
rumque, ac vanarum quaestionum  
quisquiliis foedata, tam horrida ap-  
paruit, vt primo adspectu ingenuas  
mentes deterreret, solidiora autem

C 2

appe-

-1509.

appetentes, ieunios nihilo secius, va-  
cuosque tantorum, quos promitte-  
bat, thesaurorum dimitteret. No-  
stra contra aetate, quae ad mentem  
instruendam emendandamque, &  
ut veritatem rite percipiat aptam,  
reddendam pertinent, naeniiis omni-  
bus procul facessere iussis, hinc in-  
de tam plane, tam sobrie, tam per-  
spicue docentur, ut, qui iis non ca-  
peretur, eaque parte, qua homo est,  
recte vti prompte disceret, vix pro  
homine esset reputandus. **Quid** de  
morum doctrina, deque ratione  
animos mortalium cognoscendi, &  
explorandi? quid de naturæ & gen-  
tium iure? quid de prudentia, suas  
aliorumque, praesertim ciuitatum,  
res rite administrandi? quid de re-  
rum naturalium scientia, tot tamque  
variis solertissimorum hominum ex-  
peri-

§§ ( 21 ) §§

perimentis mirifice aucta & illustrata? quid de historia omnigena, litteraria cum primis ad fastigium fere perducta, ceterisque, quae enumere longum nimis foret, dicam? Aut ingratissimus mortalium, omnium, aut eorum, quae inter eruditos gesta haetenus sunt, & quotidie geruntur, ignarissimus esset, qui fateri nollet, infinitis accessionibus haec omnia, siue rem ipsam species, lucisque in obscurioribus incrementum, siue modum rationemque concinne, accurate, folide cuncta proponendi, aucta esse ac locupletata. Cumque planior ita iucundiorque ad rerum praestantisimarum cognitionem reddita sit via, plurimique hinc inde in schoulis & academiis extent viri praestantissimi, qui eadem incedant, &

C 3

ad-

25 ( 11 ) 58

adiicere adhuc, quae forte defunt,  
aut tam pulchris fundamēntis alia  
superstruere elaborent; cum maxi-  
mus praeterea illorū sit numerus,  
qui hisce litteris rite imbūuntur, ea-  
rum iterum notitiam ad posteros &  
sero ventura secula propagatur, quis  
quaeso putet, metuendam hoc tem-  
pore barbariem, litterarumque im-  
minere interitum? aut quis non mi-  
retur, si eiusmodi ab aliis proferri  
voces audiat?

At hoc te in dubium vocare  
negas, & de eo ~~s~~altem conqueri,  
deesse viros latini graecique sermo-  
nis fatis gnaros, nec iis imbutos lit-  
teris, quae humanitatis commenda-  
tionem prae se ferint; tales non  
posse nostram ostentare aetatem,  
saltem non eo numero, ut superio-  
rum ~~temporum~~ felicitatem ad-  
aequent.

-br

3

36 ( 23 ) 56

aequent. Mihi vero ita sentire liceat,  
cum latini sermonis nitor , littera-  
rumque elegantiorum , quas a Grae-  
cis Romanisque accepimus , cultu-  
ra, non tantum decus ingens & or-  
namentum adferant , sed & inter  
praesidia , quibus ad sublimiorum  
rerum cognitionem enitimus, haud  
yltimum profecto locum teneant :  
non inferiori tamen loco illas artes  
scientiasque collocandas, quae men-  
tem vitiis liberant, & ad sapientiam  
erudiunt, & ad rerum diuinorum  
humanarumque notitiam viam sine  
ambagibus pandunt. Vnde , quo  
diligentius hae excoluntur & per-  
poliuntur artes , eo minus barbariei  
cuiusdam aut inscitiae notam nostro  
inurerere seculo fas est. Quamuis  
per Dei gratiam propitiumque fa-  
uorem nec hodie desint, qui in hu-  
manio-

-EJIO

maniorum litterarum studiis eos fecere progressus, ut, quicquid aut Graecia aut Latium vel nitoris vel elegantiae habuit, in eos contulisse videatur. Quorum licet non adeo multi sint, nullo tamen tempore eorum, quibus hisce litteris perpolire prorsus animum licuit, adeo magnum fuisse numerum, meminisse oportet: cum aliis ingenium, opes aliis, magistri periti copia aliis, aliis aliud quid desit, quo minus eniti ad istud culmen queant, in quo constitutos esse oportet, qui aliorum in hoc genere oculos animosque in se conuertere cupiunt. Variisque ex rationibus euenire potest, ut vno tempore plura simul in vno litterarum genere efflorescant decora ingenia, alio pauciora, ut sculi ideo aut sterilitatem aut infelicitate

cita-

citatem accusare, aut ignauiae vel  
barbarie dedecusei adspergere, opus  
non sit. Quod si scripta aetatem latu-  
ra, nec quaerentia cineres ingenii  
monumenta requiras, haec nostro  
deesse seculo, is demum inficiatus  
fuerit, qui rudis aut expers eorum  
omnium est, quae quotidie in or-  
bis litterati conspectu geruntur.  
Haud pauci ex ipsis illis doctissimis  
viris, dum nostri seculi aut infelici-  
tatem aut iniquitatem accusant, ser-  
monis genere id faciunt tam nitido,  
tamque polito, ut, quam verbis ex-  
probrant infamiam, eam exemplo suo  
statim abstergant. Qui iustum his lit-  
teris premium denegant, errant haud  
dubio grauiissime, dignique sunt,  
qui acriori censura notentur: vellem  
vero, ne ex altera parte maius preti-  
um exigerent, quam quo reuera aesti-

D

man-

e 900 V

mandae. Tam enim, qui eas vltra,  
quam decet, euehunt & praedicant,  
in illas iniqui sunt, quam qui depri-  
munt, atque contemnunt. Nec in-  
ter ipsos principes rerumque domi-  
nos, aut ciuilium rerum ministros,  
qui dispensandis patriae ac ecclesiae  
rebus praesunt, aut sublimiorum  
scientiarum doctores, desunt, qui vti-  
litatem pretiumque istarum littera-  
rum cognitam perspectamque ha-  
bentes, aut ipsi eas colunt, aut ef-  
florescere & incrementa capere,  
vehementer cupiunt: nec dubito,  
longe adhuc plures fore, si non haud  
pauci eorum, qui istarum litterarum  
se magistros & statores profitentur,  
eos simul cum iis coniungerent mo-  
res, quibus & se ipsos & litteras,  
quas colunt, ludibrio omnium at-  
que contemptui exponunt. Enim  
vero,

vero, auditores, si qui profitentur  
 litteras, quas tantopere praedicant,  
 humanos mansuetosque homines  
 reddere, & ipsi tamen nihil, nisi fe-  
 rociam, petulantiam, vanam in-  
 eptamque ambitionem, altercandi  
 super leuisimis rebus pruritum,  
 aliosque mores a virtute non minus,  
 quam humanitate omni, alienos,  
 prae se ferunt, non est, quod mi-  
 rentur, illorum quod non temere  
 verbis quis fidem habeat, & cum  
 eiusmodi vitae ratione ipsae litterae  
 fordeant plurimis, atque vilipendan-  
 tur. Hoc si agnoscerent ingenue,  
 quibus litterarum istarum decus &  
 incrementum curae cordique est,  
 & non minorem vitae, quam sermo-  
 ni emendando laborem impende-  
 rent, utriusque puritatem arctisfi-  
 mo vinculo inter se colligantes, tum

36 ( 28 ) 36

demum & sibi & litteris recte consulerent, facileque impetrarent, ut suis apud omnes honor, sua iis constaret dignitas. Nec tum illos aut accusare, aut curare magnopere necesse esset, qui, sine latinarum graecarumque litterarum notitia, viam ad rerum diuiniarum humarumque scientiam patere omnibus, asserunt. Eos enim, si hoc sibi velint, quod nihil aut praefidii, aut ornamenti ex his litteris sublimiores scientiae capiant, in errore manifesto versari, nemo non intelligit: si illud, non omnes eodem loco habendos, nec eundem studiorum ordinem ac modum exigendum ab omnibus, sed quid cuiusque ferat institutum, ingenium, aetas, vitaeque conditio, reliqua, dispiciendum sedulo, nihil, quod vituperandum admodum sit, eos

eos afferere , fatendum est ingenue.

Quid vero pluribus verbis aut ambagibus opus? Conticescere omnes, qui nostrae aetatis infelicitatem accusare audent , Serenissimi Principes ac Domini, DOMINVS ERNESTVS, item DN. ERNESTVS FRIDERICVS, PRINCEPS HEREDITARIUS, DVCES SAXONIAE , IVLIAE , CLIVIAE, MONTIVM, ANGARIAE, ET VVESTPHALIAE, LANDGRAVII THVRINGIAE, MARCHIONES MISNIAE, PRINCIPES COMITES HENNEBERGIAE, COMITES MARCAE ET RAVENSBERGAE, DYNASTAE RAVENSTEINII, Domini nostri clementissimi , iubent. Quod enim ab eis heic loci constitutum est bonae mentis sacrarium , litterarumque illustre domicilium , quorsum aliud spectat , quam vt litterae bonaequ

artes magis excitentur, alantur, promoueantur? Est hoc eiusmodi, vt summi & inusitati fauoris, quo litteras, earumque cultores prosequuntur summi Principes, documentum praebeat longe augustissimum, quod nulla fileat aetas, quod omnis loquatur posteritas. Non me fugit, plures iam scholas & academias per Germaniam exsplendescere, vt facile aliquis existimare posset, earum nos laborare copia. At ignoscant mihi, qui ita existimant, quod non prorsus in illorum concedere sententiam queam. De academiis & scholis, in quibus prima litterarum rudimenta traduntur, nihil dicam: ad illas quod attinet, quae medium velut locum tenent, quasue gymnasia dicere solemus, id proprium & peculiare habent, quod ad men-

35 (31) 5

mentes ingenuae pubis, litteris bonis solidius & accuratius, quam vulgo fieri solet, imbuendas, prorsus sint comparatae. His vel maxime opus, ut magis excitentur ingenia, ipsaeque rectius excolantur litterae, omnisque barbaries & illu- uies eliminetur ex finibus nostris, & quam longissime proscribatur. Harum si etiam plures hinc inde existant, hoc inde commodi oritur, quod vnius exemplo altera inflammatur, honesto quodam inter do- centes discentesque diligentiae & virtutis inito certamine. Praeterea, ut non omnis fert omnia tellus, ita ex uno forte gymnasio fructus pro- dire videoas, quos ab altero non temere exspectes; ut alterum iterum, quod sibi vindicet, habere potest: multitudine eo minus improbanda,  
quo

-v-

36 (32) 56

quō maius, si quodlibet litterarum  
domicilium, quod suum est, diligen-  
ter conferat, iis, qui regendae iuuen-  
tuti praesunt, in vnum finem con-  
spirantibus, inde ad publicam rem,  
sacram & ciuilem, commodum  
redundat.

Atque haec cum ita sint, nihil  
aliud supereft, quam vt ad id, quod  
diei huius solemnitas, summi que  
principis, totque illustrium magno-  
rumque & doctorum virorum pree-  
sentia requirit, accedamus. Quod  
itaque felix faustumque & ecclesiae  
pariter ac orbi litterato, vrbi quo-  
que huic & ditioni, salutare & for-  
tunatum esse iubeat supremum Nu-  
men, Serenissimus Princeps & Do-  
minus, Dominus ERNESTVS, vna  
cum Serenissimo Principe heredi-  
tario ERNESTO FRIDERICO,

oup

DV-

DVCES SAXONIAE, IVLIAE, CLIVIAE, MON-  
TIVM, ANGARIAE ET VVESTPHALIAE,  
LANDGRAVII THVRINGIAE, MARCHIONES  
MISNIAE, PRINCIPES COMITES HENNE-  
BERGIAE, COMITES MARCAE ET RAVENS-  
BERGAE, DYNATAE RAVENSTEINII, ETC.

Domini nostri longe clementissimi,  
hoc omnibus ac singulis, me inter-  
prete, notum faciunt, atque publice  
declarant, se pro ea, qua pollent in  
sua ditione, auctoritate, summaque  
potestate, hocce bonae mentis do-  
micum, grauisimis de causis, deli-  
beratoque consilio constituisse, vt  
gymnasium illustre & academicum  
esset, in quo omnes litterae, artes,  
scientiae, quae in academiis tradi-  
& doceri solent, publice tradantur,  
doceantur, seque velle, vt ab  
omnibus pro tali habeatur, atque  
agnoscatur. Quamobrem & iura  
omnia, & priuilegia, quibus gymna-  
sia illustria & academica fruuntur,  
E beni-

benignissime illi, omnibusque, qui professorum munere in illo functuri sunt, non minus & discentibus & bonarum disciplinarum alumnis, concesserunt, & a se concessa, me interprete, significant, publiceque declarant. Ut vero omnes intelligent, cuiusmodi ea priuilegia sint, accede, vir amplissime doctissimeque, Dn. Secretarie & clara voce ea paelege. \*

Cum porro scholarum omnium felicitas atque salus in eo consistat, ut docentium munere fungantur viri eruditionis pariter ac virtutis laude florentissimi, qui & liberali doctrina teneras mentes recte imbuant, & virtutis pariter ac sapientiae iis praeeant exemplum, id quoque cumprimis sibi da-

\* Recitata hic sunt, gymnasii huius priuilegia, benignitatem serenissimorum conditorum luculentissime demonstrantia, quae alio tempore publicae luci exponentur.

AS (35) 58

datum credidit optimus patriae pa-  
ter, idemque Serenissimus Princeps,  
Dominus noster clementissimus.  
Doctissimos itaque, omniisque litterarum genere cultissimos, praestantisimosque viros, qui professorum, docentiumque munere, in illustri hocce gymnasio fungerentur, munificentia plane singulari, & tanto Principe digna, euocauit, quos priusquam sigillatim compellebant, fidem suam ad munus sibi demandatum ritte obeundum, iure iurando obstringere illos oportet. Accede itaque iterum vir amplissime doctissimeque Dn. Secretarie, & iurisiurandi solennem formulam, qua Serenissimis Principibus fidem suam obstringant, iis praelege. \*

Quod itaque iterum felix faustumque, & ecclesiae pariter ac rei-

E 2 publi-

\* Hic more consueto, formulaque recepta, fidem suam, noui Professores, Serenissimis Principibus obstrinxerunt.

56 (36) SE

publicae salutare ac fortunatum esse  
iubeat supremum Numen , vos  
omnes ac singulos, excellentissimi,  
nobilissimi , doctissimique , viri ,  
speciatim Te

M. GOTTLIEB STOLLIVM, Ligni-  
censem Silesium , gymnasii Dire-  
torem, & historiarum ac philo-  
phiae practicae Professorem publi-  
cum,

IOS. MICHAELEM LANGGVTH, Co-  
burgo-Francum, iuriū Professo-  
rem publicum,

D. DAVID FEHMEL, Leipniza-Mis-  
nicum, medicinae & philosophiae  
naturalis Professorem publicum,

M. BONIFACIVM HEINRICVM EH-  
RENBERGER, Orlamunda-Thurin-  
gum , mathefeos & logices Pro-  
fessorem publicum,

M. ADAMVM FRIDERICVM LANG-  
GVTH,

36 (37) 5

GVTH , Heubachio - Francum ,  
theologiae Professorem publicum ,  
WOLFGANGVM C H R I S T I A N V M  
FÜRST , Damhusa - Francum , orien-  
taliū linguarū Prof. publicum ,  
MICHAELEM REINMANN , scholae  
oppidanae Rectorem designatum ,  
eundemque humaniorum littera-  
rum Professorem publicum extra-  
ordinarium ,  
iussu & auctoritate Serenissimorum  
Principum ac Dominorum , DOMI-  
NI ERNESTI , itemque DN.  
ERNESTI FRIDERICI ,  
PRINCIPIS HEREDITARII , DVCVM SAXO-  
NIAE , IVLIAE , CLIVIAE , MONTIVM , AN-  
GARIAE ET WESTPHALIAE , LANDGRAVIO-  
RVM THVRINGIAE , MARCHIONVM MIS-  
NIAE , PRINCIPVM COMITVM HENNEBER-  
GIAE , COMITVM MARCAE ET RAVENS-  
BERGAE , DYNASTARVM RAVENSTEINI ,  
Dominorum nostrorum longe cle-  
men-

mentissimorum, rite vocatos atque constitutos, eorundem Serenissimorum Principum mandato significo atque declaro, &, vt ab omnibus pro talibus habeamini atque agnoscamini, iubeo. Saluete itaque excellentissimi domini Professores, & rem vobis concreditam bene feliciterque gerite.

Speciatim vero nunc ad te, excellentissime amplissimeque vir, Director huius gymnasii grauisime, mea se conuertit oratio. Tuae enim praecipuae in illustri hocce gymnasio erunt partes. Tibi provinciam cuncta dirigendi, commodisque gymnasii prudenter prospiciendi, qua erga te est propensissima voluntate Serenissimus Princeps, Dominus noster clementissimus, demandauit. Ut itaque scias,

quae

26 (39) 5

quae tuarum in amplissimo hocce  
munere futura sint partium, accede  
ad me, & insignia gymnasii Sere-  
nissimi Principis nomine tibi tra-  
denda, accipe.

Primo itaque *statutorum librum*  
tibi trado, vt scias, quibus legibus  
litteraria haecce respublica sit ad-  
ministranda. Leges sunt anima rei-  
publicae, sine quibus nulla consi-  
stere societas potest: quin protinus  
collabascere & interire amplissimas  
ciuitates oportet, si leges sustuleris.  
Leges autem etiam optimae sanctis-  
simaeque parum profunt, nisi quam  
diligentissime feruentur. Tui ita-  
que muneric erit, sanctissime hasce  
leges custodire, seduloque dispicere,  
ne temere a quoquam migrantur,  
saltem, ne quis impune eas migrare  
audeat. Ignotum quoque Tibi non  
est,

36 (40) 56

est, quanta vis sit exempli, cum  
exemplis magis, quam legibus, ple-  
riue mortalium moueantur. Tui  
itaque etiam esse officii, facile intel-  
liges, in seruandis legibus exemplum  
praeire reliquis, ut habeant, quod  
imitentur, quod sequantur, & ad  
quod suos componant mores.

Trado praeterea *gymnasii album*,  
ut nomina ei inscribant, qui in  
gymnasii huius disciplinam recipi  
cupiunt. Dabis vero operam, ut  
non nisi digni & idonei recipiantur,  
reiectis ceteris. Probatis moribus  
esse oportet adolescentes, qui inge-  
nuis litteris imbui cupiunt; sed ido-  
neos quoque, qui capere queant,  
quae ex legum praescripto, in aca-  
demico hocce gymnasio sunt tra-  
denda. Tui itaque etiam erit officii,  
omnes accurate nosse, eorumque  
inge-

36 (41) SE

ingenia & profectus exploratos te-  
nere, vt omnium commodis, prout  
cuiusque indoles & status postulat,  
consulere queas.

Sed *sigillum* quoque *gymnasii*  
tibi trado, summa fide & sanctita-  
te a te custodiendum, sed caute,  
quoque atque circumspicte adhi-  
bendum, vt iis, quae rite decreta  
sunt atque sancta, aut *gymnasii* no-  
mine significanda, atque indicanda  
publice, sua constet auctoritas,  
si sigillo hocce munita appareant.  
Ne itaque vlla ratione sanctitas eius  
violetur, aut iis confirmandis adsu-  
matur, quae non sunt e re *gymna-*  
*sii*, aut dedecus forte ac ignomi-  
niā, non laudem aut ornamentum  
adferunt, diligenter summaque indu-  
stria despicerē, tuum erit. Deni-  
que & *claves* tibi trado, quibus

F ape-

aperire atque claudere auditorium possis, adeoque dispicere, vt non alii potestatem docendi sibi vindicent, quam quibus eandem Serenissimi Principes, Domini nostri clementissimi, concesserunt.

Cumque ea rerum humanarum sit conditio, vt bonis & ingenuis prauis subinde sint intermixti, iuuenumque lubrica adhuc aetas sit, vt a recto facile aberrent tramite, nec sui semper memores sint officii, nisi seuerioribus quandoque animaduersiōnibus petulantia eorum refrenetur, en! *claves quoque carceris his adiunctas scias.* Tui itaque officii erit, eos, qui, quae suarum sunt partium, rite non administrant, primo commonefactionibus & adhortationibus corrigere, & in rectam reducere viam; quod si vero his parum

-98-

E

pro-

26 (43) 56

proficiatur, acrioribusque remediis  
opus fit, carceris poena, pro crimi-  
nis grauitate infligenda, coērcean-  
tur, vt sapere discant, quibus desi-  
pere volupe fuerit: proscribendi tan-  
dem prorsus, & ceu putrida mem-  
bra resecandi & eiiciendi, qui omni  
castigatione insuper habita, in pra-  
uiae vitae instituto perseuerant, &  
cum bona mente in gratiam redire  
nolunt. De tua autem, vir excellen-  
tissime, iam ceteroquin satis per-  
suasi sumus prudentia, cum seueri-  
tate lenitatem ita te coniuncturum,  
vt suum vtrique temperamentum  
constet, ne feueritate deterreantur  
a litterarum studiis bonae mentes,  
nec lenitate corruptantur mores,  
& scholaistica disciplina soluatur,  
quippe quod litterarum domiciliis  
non potest non ultimam adferre  
perniciem.

F 2

Ad

Ad vos autem, quod attinet, reliqui Professores excellentissimi, ut vestri vos admoneam officii, supernacaneum esse, existimo. Vos enim prae reliquis elegerunt, quos amplissimis hisce muneribus praeficerent, Serenissimi Principes, Domini nostri clementissimi, quod non eruditione saltem singulari vos praestantes, sed iis quoque virtutibus abunde instructos nossent, quibus ornatos esse decet, qui iuuentuti viam ad sapientiam & eruditionem rite monstrare cupiunt. Ipsimet intelligitis, principem praecipuamque virtutum omnium, veram minime que fucatam esse pietatem, qua Deum sancte colimus, eiusque ubique voluntati morem diligenter gerimus. Hoc si vobis quoque ferio constitutum sit, ut nullus plane

bA

E

.misio dubi-

(45)

dubito; primo quidem de gratia,  
fauore & benedictione Numinis  
certi esse poteritis. Paulus serit,  
Apollo irrigat, sed Deus dat incre-  
mentum. Sine Numinis itaque be-  
nedictione nihil recte procedit: vt  
hanc illi solum, qui Deum rite co-  
lunt, sibi promittere possunt. Dein-  
de, haec pietas vos impellet, vt quis-  
que, quod suarum est partium, stre-  
nue agat, in id vnicē intentus, vt  
scholaſtice pubis commoda inge-  
nue promoueat. Labore & diligen-  
tia ea etiam superari possunt, quae  
ceteroquin supra hominum vires po-  
fita videntur. Pietas vera vos  
etiam ad mutuum amorem & con-  
cordiam incitabit, quippe qua  
Deo nihil gratius, nihil est iu-  
cundius, nihil etiam profecto  
ad scholarum & academiarum com-

-1153

F 3

moda

moda promouenda aut aptius, aut  
accommodatius. Immo vestris ipsi-  
met hoc ipso consuletis commodis,  
cum nihil tristius aut acerbius sit,  
aut plus taedii in vita humana adfe-  
rat, quam collegarum odium, liuor,  
inuidia, & quae hinc oriuntur, dis-  
cordiae & dissensiones. Denique  
si Deum rite colatis & amietis, quod  
pietatis opus est, id sedulo agetis,  
ut vitae non minus sanctitate mo-  
rumque puritate, quam praecepsit  
eos, qui vestrae se committent disci-  
plinae, ad veram sapientiam perdu-  
catis. Exemplis longe facilius iu-  
uenum animi fleuntur, quam le-  
gibus. Vitaque doctorum publi-  
corum in scholis & academiis cy-  
nosura est, ad quam animi mores-  
que iuuenum conuertuntur & diri-  
guntur, indeque semper, quod imi-

sbom

&amp; I

ten-

56 (47) 50

tentur, moribusque suis exprimant,  
capiunt. Haec si probe obseruaue-  
ritis, non Deo modo vos probabi-  
tis, sed Serenissimorum quoque  
Principum, Dominorum nostrorum  
clementissimorum, magis magisque  
vobis conciliabitis fauorem.

Vltimo tandem loco ad id acce-  
dimus, quod primum praecipuum  
que est, precibus deuotissimis no-  
uum hocce bonae mentis domici-  
lium Deo praeponenti commendan-  
turi. Tibi itaque, o aeterne & be-  
nignissime Deus! gratias, quas ani-  
mo concipere possumus, agimus  
maximas, pro tantis tamque innu-  
meris, quibus nos cumulas, benefi-  
ciis. Quod enim pulsis errorum,  
tenebris, clarissima euangelii lux  
emersit, eademque, quod hodie  
adhuc exsplendescit, & inteme-  
rata

rata inter nos conseruatir, tuo vniuersitate fauori propitio grata mente imputamus. Tui muneris, tuumque beneficium est, quod scholae & académiae subinde constituuntur, & constitutae foueantur, augeanturue, vt in iis cum litteris artibus que bonis, vera euangelii doctrina inculcetur, defendatur, & ad posteros propagetur. Tu principibus rerumque dominis hanc mentem inspiras, vt se vero ecclesiae tuae nutritores demonstrent. Tu eandem Serenissimis Principibus, Dominis nostris clementissimis inspirasti, vt nouum hocce litterarum sacrarum erigerent constituerentque. Tibi, benignissime pater, omnis hoc quoque nomine debetur laus, honor omnis, omnisque gloria. Te vero etiam rogamus supplices, vt hoc-

(49) §

ce litterarum domicilium quam clementissime consilues, protegas, tuearis, prosperosque in omnibus, quae ad tui nominis gloriam suscipientur, largiaris successus. Docentium pariter ac dissentium animos tui spiritus gratia largissime reple, omniaque illorum dicta, facta, cogitata dirige, ut, quicquid suscepint, ad tui nominis gloriam, regnumque tui, quod inter mortales constituiisti, incrementum & amplificationem tendat. Efflorescat tua gratia haecce sapientiae & virtutis sedes, incrementisque nouis quotidie augeatur, sitque officina instru-  
ctissima, ex qua nunquam non prodeant iuvenes omni eruditionis & virtutis genere, cum primis vera & solli

G

non

non fucata pietate ornati, qui ec-  
clesiae & reipublicae utilem nauent  
aliquando operam. Infernalis genii  
potenter repelle insultus, ne, quae  
salubriter constituta sunt, contur-  
bet, aut impedit, quae ad optimum  
finem sunt comparata; quae  
vero tuo honori hominumque sa-  
luti promouendae inferuiunt, remo-  
tis obstaculis omnibus, feliciter  
prospereque fluere iube. Cumpri-  
mis auctores conditoresque huius  
gymnasii munificentissimos, Sere-  
nissimos Principes, cum tota domo  
Serenissima, tuae gratiae, tuoque hu-  
millimis precibus commendamus  
fauori. Serua optimos Principes,  
qui suam pietatem tam luculento  
documento testatam fecere: serua  
illos,

¶ ( 1 ) ¶

illos, & saluos incolumesque quam  
diutissime praesta, vt curae suae &  
munificentiae fructus vberrimos ex  
hacce litterarum sede percipient.  
Omni eos domumque eorum sere-  
nissimam felicitatis genere cumula,  
& aduersa quaevis ac noxia ab illis  
auerte, vt votorum suorum ad tuae  
voluntatis nutum conceptorum  
compoetes, seri tandem in coelum  
redeant, in beatorum numero, aeter-  
no gaudio & ineffabili voluptate  
perfundendi. Exaudi hasce preces  
nostras, o benignissime pater! exau-  
di preces, quas in posterum quo-  
que doctores & alumni huius  
gymnasii ad te allegaturi sunt,  
exaudi ciuium omnium, omnium-  
que huius vrbis incolarum preces,

G 2

&

¶ ( 52 ) ¶  
& vota, quae tu monstra, tuum illorum  
pietas, pro optimorum Principium  
salute, pro gymnasii huius per-  
ennitate, & incrementis nun-  
cupat, rata esse iube!

